

VENDIM
Nr. 4, datë 17.4.2019

**PËR DISA SHTESA DHE NDRYSHIME NË VENDIMIN NR. 2, DATË 27.3.2019,
TË KOMITETIT PËR ZHVILLIMIN E RAJONEVE, “PËR SHPËRNDARJEN E
FINANCIMIT PËR PROJEKTE TË REJA, THIRRJA E PARË, PËR VITIN 2019,
GRANTET “ARSIMI BAZË”, “ARSIMI I MESËM””**

Në mbështetje të nenit 100 të Kushtetutës, të nenit 16, dhe të aneksit 3, të ligjit nr. 99/2018, “Për buxhetin e vitit 2019”, me propozimin e ministrit të Arsimit, Sportit dhe Rinisë, Komiteti për Zhvillimin e Rajoneve,

VENDOSI:

1. Në tabelën 1, që i bashkëlidhet vendimit nr. 2, datë 27.3.2019, të Komitetit për Zhvillimin e Rajoneve, “Për shpërndarjen e financimit për projekte të reja, thirrja e parë, për vitin 2019, për grantet “Arsimi bazë”, “Arsimi i mesëm””, bëhen ndryshimet sipas tabelës 1, bashkëlidhur këtij vendimi.

2. Pas pikës 3, të vendimit nr. 2, datë 27.3.2019, të Komitetit për Zhvillimin e Rajoneve, “Për shpërndarjen e financimit për projekte të reja, thirrja e parë, për vitin 2019, për grantet “Arsimi bazë”, “Arsimi i mesëm”, shtohen pikat, si më poshtë vijon:

“... ”

4. Diferenca mes vlerës së projektit me vlerën e kontratës, nëse ka një të tillë, pas prokurimit publik, do t'i zbritet proporcionalisht vlerës së bashkëfinancimit nga njësitë e vetëqeverisjes vendore dhe vlerës së financimit me burim grantin “Arsimi”, pjesë e Fondit për Zhvillimin e Rajoneve.

5. Diferenca mes vlerës së projektit me vlerën e kontratës, nëse ka një të tillë, pas prokurimit publik, nga projektet sipas këtij vendimi dhe nga projekte të tjera të autoriteteve kontraktuese, të financuara nga burime të tjera financimi të tyre, të rialokohet nga njësitë e vetëqeverisjes vendore për mbulimin e vlerës së bashkëfinancimit, të autoritetit kontraktues për vitin 2019, për projektet sipas këtij vendimi. Ministria e Financave dhe Ekonomisë, përmes degëve të thesarit, monitoron zbatimin e kësaj pike të vendimit.

6. Autoritetet kontraktuese, në buxhetin korent dhe atë të vitit 2020 dhe në detajimin e planit të investimeve, me përparësi, të financojnë vlerën e bashkëfinancimit për projektet e investimeve në proces, me burim financimi Fondin për Zhvillimin e Rajoneve. Ministria e Financave dhe Ekonomisë dhe prefektët monitorojnë zbatimin e kësaj pike të vendimit.

7. Të gjitha autoritetet kontraktuese, projektet e të cilave miratohen për financim sipas pikës 1, të vendimit nr. 2, datë 27.3.2019, të Komitetit për Zhvillimin e Rajoneve, “Për shpërndarjen e financimit për projekte të reja, thirrja e parë, për vitin 2019, për grantet “Arsimi bazë”, “Arsimi i mesëm””, brenda një jave nga përfundimi i afatit, sipas pikës 3, të vendimit nr. 2, datë 27.3.2019, të Komitetit për Zhvillimin e Rajoneve, “Për shpërndarjen e financimit për projekte të reja, thirrja e parë, për vitin 2019, për grantet “Arsimi bazë”, “Arsimi i mesëm””, të informojnë sekretariatit teknik, pranë Ministrisë së Arsimit, Sportit dhe Rinisë, për nisjen e procedurave të prokurimit publik për këto projekte.

“... ”

3. Pikat 4 dhe 5, të vendimit nr. 2, datë 27.3.2019, të Komitetit për Zhvillimin e Rajoneve, “Për shpërndarjen e financimit për projekte të reja, thirrja e parë, për vitin 2019, për grantet “Arsimi bazë”, “Arsimi i mesëm”, rinumërohen përkatësisht në pikat 8 dhe 9.

4. Ngarkohen ministri i Arsimit, Sportit dhe Rinisë, ministri i Financave dhe Ekonomisë dhe prefektët për zbatimin e këtij vendimi.

Ky vendim hyn në fuqi pas botimit në Fletoren Zyrtare.

ZËVENDËSKRYETAR
ERION BRAÇE

Zëvendëskryeministri Ministri i Financave dhe Ekonomisë	Zëvendëskryetar anëtar
Ministri i Arsimit, Sportit dhe Rinisë Ministri i Shëndetësisë dhe Mbrojtjes Sociale	anëtar anëtar
Ministri i Kulturës	anëtar
Ministri i Brendshëm Kryetari i Shoqatës së Bashkive të Shqipërisë Kryetari i Shoqatës për Autonomi Vendore Kryetari i Shoqatës së Qarqeve të Shqipërisë	anëtar anëtar anëtar anëtar

Tabela 1: Në tabelën 1, që i bashkëlidhet vendimit nr. 2, datë 27.3.2019, të Komitetit për Zhvillimin e Rajoneve, “Për shpërndarjen e financimit për projekte të reja, thirrja e parë, për vitin 2019, për grantet “Arsimi bazë”, “Arsimi i mesëm”, rreshtat 1, 4, 5, 6, 7, 8, 9, 12, 13, 14, 15, 16, 17, 18, 19, 21, 24, 25, 26, 29, 30, 31, 32, 33, kolona me emërtimin “Vlera e bashkëfinancimit për vitin 2019 (në lekë)”, dhe qeliza e totalit të vlerës së bashkëfinancimit për vitin 2019, ndryshojnë, si më poshtë vijon:

“Tabela 1. Lista e projekteve të reja, thirrja e parë për vitin 2019, grantet “Arsimi bazë”, “Arsimi i mesëm”, me cikël zbatimi 2019-2020”

Nr.	Autoriteti kontraktues	Emërtimi i projektit	Vlera e plotë e projektit (në lekë)	Vlera e financimit nga FZHR për vitin 2019 (në lekë)	Vlera e bashkëfinancimit nga NJQV (në lekë)		
					%	Vlera e plotë e bashkëfinancimit (në lekë)	Vlera e bashkëfinancimit për vitin 2019 (në lekë)
		QARKU BERAT					
1	Bashkia Kuçovë	Rikonstruksion i shkollës “18 Tetori”, Kuçovë	76,911,627	21,535,256	30	23,073,488	8,075,721
		QARKU KUKËS					
4	Bashkia Tropojë	Shkolla “Asim Vokshi”, palestër dhe terrene sportive dhe sisteme të jashtme në gjimnazin “Asim Vokshi”	59,919,542	21,571,035	10	5,991,954	5,991,954
5	Bashkia Tropojë	Rikonstruksion i shkollës “Tinka Kurti”, NJA Lekbibaj	29,488,437	13,269,797	10	2,948,844	2,948,844
6	Bashkia Kukës	Ndërtim i terreneve sportive të shkollës, Shtiqen	15,590,893	5,456,813	30	4,677,268	1,637,044
		QARKU DURRËS					
7	Bashkia Shijak	Ndërtim i shkollës 9-vjeçare “Adem Sabli”, fshati Borakë	73,231,332	19,772,460	10	7,323,133	7,323,133
8	Bashkia Krujë	Rikonstruksion i shkollës 9-vjeçare dhe ndërtim palestere, Thumanë	70,671,320	19,787,970	30	21,201,396	7,420,489
		QARKU ELBASAN					
9	Bashkia Elbasan	Rikonstruksion i shkollës 9-vjeçare “Jorgji Dilo”, Elbasan	124,187,521	21,732,816	50	62,093,761	21,732,816
12	Bashkia Librazhd	Shtesë anësore 3 kate dhe ndërtim palestere për shkollën 9-vjeçare “Vilson Blloshmi”, Librazhd	82,881,472	26,107,664	10	8,288,147	8,288,147
		QARKU FIER					

13	Bashkia Lushnje	Rikonstruksion i shkollës 9-vjeçare “4 Dëshmorët”, Lushnje	49,881,342	9,976,268	50	24,940,671	8,729,235
14	Bashkia Lushnje	Rikonstruksion i ambjenteve të shkollës së bashkuar “Thanas Bozo” dhe ndërtim palestere, Kolonjë	78,525,669	15,705,134	50	39,262,835	13,741,992
15	Bashkia Roskovec	Rikonstruksion godine dhe ndërtim palestere, gjimnazi “Adem Vrapit”	99,120,026	31,222,808	10	9,912,003	9,912,003
16	Bashkia Divjakë	Rikonstruksion dhe shtesë anësore 2 kate, shkolla e mesme e bashkuar, “Mihal Nako” fshati Fier, Seman, Gradisht	81,681,368	20,011,935	30	24,504,410	8,576,544
17	Bashkia Divjakë	Ndërtim kopshti me drekë, Cermë, Sektor	67,261,984	16,479,186	30	20,178,595	7,062,508
18	Bashkia Fier	Rikonstruksion i shkollës së mesme “Jovan Ndreko”, Libofshë	26,241,404	6,560,351	50	13,120,702	4,592,246
19	Bashkia Fier	Rikonstruksion i shkollës 9-vjeçare “Penelopi Pirro”	41,793,855	8,358,771	50	20,896,928	7,313,925
		QARKU KORÇË					
21	Bashkia Pogradec	Rehabilitim i shkollës së mesme “Gjergj Pekmezi”	77,497,937	18,986,995	30	23,249,381	8,137,283
24	Bashkia Korçë	Rikonstrukion i shkollës 9-vjeçare “Nuçi Naçi”, 3 kate dhe shtesë për palestër	50,000,000	14,000,000	30	15,000,000	5,250,000
		QARKU LEZHË					
25	Bashkia Kurbin	Rikonstruksion i plotë i shkollës 9-vjeçare “Mark Trothi”, Kurbin	97,639,380	27,339,026	30	29,291,814	10,252,135
26	Bashkia Lezhë	Rikonstruksion i shkollës së mesme të bashkuar, Ishull Lezhë dhe ndërtim palestere	81,170,727	14,204,877	50	40,585,364	14,204,877
		QARKU SHKODËR					
29	Bashkia Malësi e Madhe	Rikonstruksion i shkollës “Vasil Shanto”, fshati Vrakë	42,194,347	11,814,417	30	12,658,304	4,430,406
30	Bashkia Fushë Arrëz	Ndërtim i palestrës dhe ambjenteve sportive, shkolla e mesme “70 Vjetori i Pavarësisë”	49,554,052	22,299,323	10	4,955,405	4,955,405
		QARKU TIRANË					
31	Bashkia Kavajë	Rindërtim i shkollës 9-vjeçare Golem, Kavajë	142,515,637	39,904,378	30	42,754,691	14,964,142
32	Bashkia Vorë	Rikonstruksion i plotë dhe shtesë e shkollës "Vajdin Lamaj", Domje	88,717,281	22,525,730	30	26,615,184	9,315,315
		QARKU VLORË					
33	Bashkia Vlorë	Rikonstruksion i shkollës “24 Maji” dhe ambjenteve sportive, Vlorë	99,578,242	19,915,648	50	49,789,121	17,426,192

Shënim:

1. Totali i vlerës së bashkëfinancimit për vitin 2019, bëhet si më poshtë vijon:

Nr.	Autoriteti Kontraktues	Emërtimi i projektit	Vlera e plotë e projektit (në lekë)	Vlera e financimit nga FZHR për vitin 2019 (në lekë)	Vlera e bashkëfinancimit nga NJQV (në lekë)		
					%	Vlera e plotë e bashkëfinancimit (në lekë)	Vlera e bashkëfinancimit për vitin 2019 (në lekë)
		TOTALI					279,956,885

2. Në fund të pikës 4, të shënimeve të tabelës 1, që i bashkëlidhet vendimit nr. 2, datë 27.3.2019, të Komitetit për Zhvillimin e Rajoneve, “Për shpërndarjen e financimit për projekte të reja, thirrja e parë, për vitin 2019, për grantet “Arsimi bazë”, “Arsimi i mesëm”, të shtohet togfjalëshi:

“bashkëfinancim i cili për projektet me nr. rendor 1, 6, 8, 9, 13, 14, 16, 17, 18, 19, 21, 24, 25, 26, 29, 31, 32 dhe 33 është, për vitin 2019, në masën 35% të vlerës së plotë të bashkëfinancimit dhe për vitin 2020, në masën 65% të vlerës së plotë të bashkëfinancimit”.

3. Për projektet me nr. rendor 4, 5, 7, 12, 15 dhe 30 korrektohet gabimi shifror “i vlerës së bashkëfinancimit për vitin 2019”, sipas tabelës më sipër.